



ATASSUT

UPA 2016/103

Steen Lyngé

25. 04. 2016.

Aktiaateqarluni piginneqataassuteqarlunilu ingerlatseqatigiiffiit pillugit inatsisip (ingerlatseqatigiiffiit pillugit inatsisip) atuutilernissaa pillugu Kalaallit Nunaannut peqqussummut oqaaseqaatissamut Inatsisartut aalajangiiffigisassaattut siunnersuut. (Inuussutissarsiornermut, Naalakkersuisoq)

Aktiaateqarluni piginneqataassuteqarlunilu ingerlatseqatigiiffiit pillugit inatsisip (ulluinnarni aamma taaneqartartoq: ingerlatseqatigiiffiit pillugit inatsisip) atuutilernissaa pillugu Naalakkersuisut siunnersuutaannut ima Atassut oqaaseqassaaq.

Pingaarteqarpoq ingerlatteqatigiiffiit pillugit inatsisip nunatsinnut tulluarsartuarnissaat, aammattaaq taamak pingaartingaaq inatsisip pineqartut nunarsuarmioqatitta ineriartornerannut tulluarsartuarnissaat.

Nunatsinni pissutsit tassaapput, inoqarfiit amerlasuujupput innuttamikkut ikittuinnarnik inoqartut taamaamallu ingerlatseqatigiiffinnut annikitsuinnarnik tunngaviliisut. Tamannalu tunngavigalugu suliffinnik ingerlalluurtunik ingerlatsisisinnaanermut unamminarsinnaalluni.

Atassut inatsisip nunatsinnut tulluarsarnissaannik oqariartornermini pingaartippaa oqaatigissallugu, inatsisip ilusilersornissaannut allaffissornikkullu ingerlatissallugit pisariitsuunissaat aammalu paasiuminartuunissaat pisariaqartoq. Inatsisip suliffeqarfinnut annertuumik allaffissornermik malitseqaraangata, suliffinnik aallartisaarusuttunik unitsitsisarnerat ilisimaneqarmat. Tamannalu ajornartorsiut annertunerpaasarpoq, najugaqarfiit ikittuinnarnik innuttaqaraangata.

Illuatungaatigut nunatta avataaniit aningaasaliiffigineqarnissaa aammalu suliffinnik nutaanik aallartitsiffigineqarnissaa nunatsinnit kissaatigineqarpoq. Nunat avataaniit aningasaliisut nunanut aningaasaliiffigisaminnut suliffiit nutaat isertitallu nutaat pilersittaraat naluneqanngilaq.

Nunatta avataaniit aningaasaleerusunneq aammalu suliffissanik pilersitsinissaq annertusassagaanni pisariaqarpoq, inatsisip nunatsinni atuuttut nunarsuarmioqatitta ineriartornerannut tulluussarsimanissaat. Taamaaliornikkut suliffeqarfiit aningaasaleerusuttullu nunatsinnut pingaagamit ajornannginnerusumik tulluussarsinnaanissaat anguneqassammat, inatsisip atuuttut nunagisaminni inatsisinut atuuttunut assinguneri pissutigalugit. Tamannalu aningaasaliinissamut aammalu aallartitsinissamut toqqisisanermik pilersitsisarluuni.

Atassut-mit iluarisimaarparput, inatsisip atuuttussanngortut ineriartornermut ataavartumik nalimmassartuarnissaannut periarfissaqalissammat. Tamannalu ineriartortuarnermik periarfissaqartitsissammat.

Atassut-mit Naalakkersuisut siunnersuutaat isumaqatigaarput aammalu taamak isikkoqartillugu akueralugu.